

(<https://news.usm.my>)

Berita Mutakhir

15 OCT

USM LATIH MASYARAKAT GUNA TEKNOLOGI PEMPROGRAMAN iOS



USM, PULAU PINANG, 15 Oktober 2016 - Bengkel Pengenalan Pemrograman untuk iOS (Workshop On iOS Introductory Programming) yang berlangsung selama sehari di Makmal Pusat Pengajian Sains Komputer hari ini mendapat sambutan yang memberangsangkan.

Menurut Pensyarah Pusat Pengajian Sains Komputer, Universiti Sains Malaysia (USM), Dr. Zarul Fitri Zaaba, ini merupakan satu projek Pusat Pengajian Sains Komputer untuk melatih masyarakat umum dan pelajar dalam teknologi sebegini.

"Antara objektif utama bengkel ini adalah untuk mendedahkan masyarakat berkaitan ilmu terkini dalam pemrograman iOS," kata penyelarar teknikal bengkel ini.

Tambah Zarul, memandangkan USM mempunyai keupayaan dan kapasiti dalam melaksanakan bengkel bermanfaat sebegini, maka pihak kami mengambil inisiatif untuk melaksanakan bengkel yang disertai terhad kepada seramai 15 orang peserta walaupun terdapat permintaan yang tinggi untuknya.

Manfaat kepada peserta melalui penyertaan bengkel ini adalah memperkasa ilmu teknologi terkini, membiasakan diri dengan Flash Editor dan lain-lain lagi berkaitan aplikasi iOS ini.

Majoriti peserta datang dari kolej swasta dan ada terdapat 2 pensyarah dari Universiti Malaysia Terengganu (UMT) dan Universiti Malaysia Pahang (UMP), dan bengkel ini disasarkan untuk disertai oleh pembangun aplikasi mobile amatur, penyelidik, pelajar, programmer persendirian, pensyarah dan lain-lain pihak yang berminat.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015